



**M E M O**  
**Jabatan Bendahari**  
6329/6338/4581213 4596211



Kepada : Seperti di Lampiran  
Daripada : Bendahari  
Ruj. Kami : UPSI/BEN/B/PEM-3/04Jld.2( )  
Tarikh : 13 MEI 2011  
09 J'AKHIR 1432

**Pembayaran Bagi Syarahan Yang Melebihi Beban Tugas Kepada Pensyarah/Guru UPSI  
– Semakan Beban Tugas Melalui UIMS-SIS**

Dengan segala hormatnya saya merujuk kepada perkara di atas.

2. Sepertimana keputusan Mesyuarat Jawatankuasa Perancangan Akademik (JKPA) UPSI Kali Ke-61 Bil. 3/2009 dan Kali Ke-64 Bil. 6/2009, penetapan beban tugas pensyarah/guru adalah seperti berikut:-

Bil	Jawatan	Jumlah Beban Tugas (Jam)
1.	Dekan/Pengarah/Timbalan Dekan/Timbalan Pengarah	6
2.	Ketua Jabatan/Penyalaras (Akademik)	9
3.	Pensyarah mengajar kursus yang mempunyai amali	9
4.	Pensyarah mengajar kursus yang tiada amali	12
5.	Guru	20

3. Berdasarkan ketetapan di atas, sekiranya seseorang pensyarah/guru mengajar melebihi beban tugas yang ditetapkan, beliau boleh dibayar eluan syarahan mengikut jam; termasuklah apabila mengajar di dalam program-program lain seperti program Eksekutif, DPLI, PJJ dan Ko-Kurikulum. Walau bagaimanapun setakat ini pembayaran hanya dibuat berdasarkan pengesahan manual oleh Ketua PTj masing-masing dan Jabatan ini tidak dapat mengesahkan ketepatan data tersebut untuk proses pembayaran.

4. Jabatan Bendahari dengan kerjasama Pejabat Timbalan Naib Canselor (A&A), Bahagian Hal Ehwal Akademik (BHEA), Institut Pengajian Siswazah (IPS) dan Pusat ICT telah mengadakan beberapa siri perbincangan agar beban tugas pensyarah/guru ini dapat diakses secara *online* melalui sistem maklumat bersepadu UPSI – Sistem Maklumat Pelajar (UIMS-SIS). Alhamdulilah mulai bulan April 2011, Jabatan Bendahari telah dapat menyemak beban tugas pensyarah/guru yang merangkumi semua peringkat pengajian iaitu Diploma, Ijazah Pertama, Sarjana dan Phd (termasuk PJJ) secara *online* melalui UIMS-SIS yang memudahkan proses semakan dibuat.

5. Sehubungan itu, mulai tuntutan bulan Mei 2011, Jabatan ini akan membuat semakan secara *online* melalui Sistem UIMS-SIS untuk proses pembayaran kepada pensyarah/guru bagi tuntutan syarahan yang melebihi beban tugas. Bagi pensyarah/guru yang beban tugas pengajarannya **belum melebihi** had yang ditetapkan, memo makluman berkenaan perkara tersebut akan dikeluarkan kepada pensyarah/guru yang terlibat.

6. Sekiranya mana-mana pensyarah/guru menghadapi sebarang masalah berkaitan beban tugas mengikut ketetapan Universiti, mereka bolehlah berhubung terus dengan Unit Pendaftaran Kursus, BHEA (bagi program pengajian Diploma dan Ijazah Sarjana Muda) dan pihak IPS (bagi program pengajian peringkat Pasca Siswazah).

7. Saya berharap tuan/puan dapat mengambil perhatian ke atas perkara ini dan kerjasama tuan/puan adalah dimohon untuk memaklumkan perkara ini kepada semua kakitangan di bawah seliaan tuan/puan.

Sekian, terima kasih.



(KHADIJAH BINTI HAMDAN)

s.k.      Naib Canselor  
              TNC (Akademik & Antarabangsa)  
              TNC (Penyelidikan & Inovasi)  
              TNC (Hal Ehwal Pelajar & Alumni)  
              Pendaftar  
              Ketua Unit Audit Dalam